

U G O V O R

Br. 0602-1168-6/19

**o pružanju usluga sistematskog ljekarskog pregleda za uposlenike KJKP POKOP D.O.O.
Sarajevo**

UGOVORNE STRANE

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38,
kojeg zastupa Direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: „JU ZAVOD ZA ZDRAVSTVENU ZAŠTITU ZAPOSLENIKA MUP-a KANTONA SARAJEVO Alije Isakovića 3,
kojeg zastupa Direktor, Mr.Sci.dr Anes Talović (u daljem tekstu: Dobavljač)
ID broj: 4200084310003; Porezni broj PDV: 200084310003;

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku usluga - pružanje usluga sistematskog, ljekarskog pregleda za uposlenike KJKP POKOP d.o.o., prihvaćene ponude Dobavljača broj: 0602-1168-4/19 od 15.04.2019. godine i Odluke o izboru najpovoljnijeg ponuđača broj 0602-1168-5/19 od 15.04.2019. godine.

PREDMET UGOVORA

Član 2.

Predmet ovog Ugovora je nabavka - pružanje usluga sistematskog, ljekarskog pregleda za uposlenike KJKP POKOP d.o.o., prema prihvaćenoj ponudi sa specifikacijom usluga, koja čini sastavni dio ovog Ugovora.

Član 3.

Usluge iz člana 2.ovog Ugovora obuhvataju sljedeće:

- Laboratorijski standard
- Pregled interniste, EKG (na osnovu nalaza interniste i indikacije uradit će se UZ srca i RTG pluća)
- Komletan pregled neuropsihijatra
- Test psihologa
- Kompletan pregled ORL i nalaz audiograma (stanje sluha)
- Pregled specijaliste za očne bolesti
- Pregled i zaključno mišljenje specijaliste medicine rada.

UGOVORENA CIJENA

Član 4.

Ugovorena cijena za usluge iz člana 2.ovog Ugovora iznosi:

Cijena usluge koja su predmet ovog Ugovora bez PDV-a iznosi	1.752,34 KM
PDV na ponuđenu cijenu usluga iznosi	297,90 KM
Cijena usluge koja su predmet ovog Ugovora sa PDV-om iznosi	2.050,24 KM

Cijene za vrijeme trajanja ugovora ostaju ne promjenjene.

PLAĆANJE

Član 5.

Ugovorni organ će plaćanje cijene iz člana 4. ovog Ugovora, izabranom Dobavljaču izvršiti u roku do 7 (sedam) dana nakon prijema uredno ispostavljene fakture za izvršene usluge, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

OSNOVNE OBAVEZE DOBAVLJAČA

Član 6.

Pored obaveza predviđenih važećim propisima, Dobavljač se obavezuje da će uposlenicima omogućiti obavljanje preventivnog sistematskog pregleda i dopunskih zdravstvenih usluga u ordinacijama Dobavljača.

Dobavljač se obavezuje da će osigurati dijagnostičku opremu i isključivo stručna lica odgovarajuće specijalizacije – stručnjake medicinske struke za pružanje predmetnih usluga.

Preventivni sistematski pregled obaviti će se u vrijeme i na način koji odgovara uposlenicima Ugovornog organa. Dobavljač se obavezuje obavljati ugovorene usluge u dogovorenim terminima, u skladu sa zahtjevima svakog pojedinog uposlenika.

Dobavljač mora biti u mogućnosti omogućiti svim uposlenicima obavljanje kompletnog sistematskog pregleda u toku jednog radnog dana.

OSNOVNE OBAVEZE UGOVORNOG ORGANA

Član 7.

Ugovorni organ se obavezuje da će pravovremeno dostaviti Dobavljaču usluga popis uposlenika.

Na popis iz stava 1. ovog člana, mogu biti uvrštene samo one osobe koje su zaposlene kod ugovornog organa. Ugovorni organ će izvršiti plaćanje na osnovu ispostavljenih fakture za stvarno pružene usluge obavljenih sistematskih pregleda.

RASKID UGOVORA

Član 8.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 9.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 10.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 11.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana i zaključuje se na period od 12 (dvanaest) mjeseci.

Član 12.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN

KJKP „POKOP“ d.o.o. Sarajevo



Direktor, Goran Cerić

DOBAVLJAČ

JU ZAVOD ZA ZDRAVSTVENU ZAŠTITU
ZAPOSLENIKA MUP-a KANTONA SARAJEVO

Mr. Sci.dr. Anes Talović

Broj, 0602-1168-6/19
Sarajevo, 16.04.2019. god.



Broj, 0602-1168-6/19
Sarajevo, 16.04.2019. god.